

tarum rerum scriptores quidam affirmant. Sic itaque domi forisque Republica feliciter administrata, Tribunus ipse anno sui regiminis, ut quidam tradunt, undevicesimo, ut alii, tertio & vicesimo vita decessit. 906

Urfus Badoarius in demortui locum furrogatus est. Is Petrum filium ad Græciæ Imperatorem Byzantium misit, a quo Protospatarius factus multis est muneribus ornatus: sed quum juvenis Venetias rediret, a quodam Michaelē Regulo in Dalmatia interceptus, omni cultu muneribusque exutus, in Mysiam relegatus est: unde clam deinceps profectus Venetias venit. Urfus cum Clodienſibus cœpit de finium recognitione agere: sed cognita Petri Principis, cui ipse successerat, declaratione, præſenti actione abſtinuit. Ferunt fuisse virum mira pietate & innocentia præditum: quippe qui undevicesimo ſui Ducatus anno ſponte ſe magiſtratu abdicavit, monaſticamque ſecutus vitam, in Divi Fœlicis Amiani cœnobio reliquum vitæ egit. Extant ad hunc diem ejus loci veſtigia, æde ipſa pene vetuſtate collapſa, quæ ex urbe Portum Gruarium verſus (eſt id Carnorum oppidum) navigantibus circa turrim, quæ Rivi majoris dicitur, ad lævam occurrat. Hujus voluntariam abdicationem Petri Candiani, ſive Sanuti (id enim cognomen ferunt Candianæ deinceps familiæ fuiſſe) Ducatus ſecutus eſt. Fuit hic Petri illius qui Dalmatico bello periit, filius: habuit & natum ejusdem nominis, qui a patre in Græciam miſſus ab Imperatore Protospatarius eſt creatus. In hæc tempora referunt quidam illam raptarum virginum cladem, de qua & ſi plura primo libro diſſerui (quia in hoc quoque variant ſcriptores, quos ſequimur) non abs re fuerit pauca dicere. Hiſtri, qui Venetorum hoſtes ea tempeſtate fuere, ex æde Divi Petri, quæ in ea parte urbis eſt, quod *Caſtellum* dicitur, aliquot virgines, quarum nuptiæ tum forte celebrabantur, cum dotibus & reliquo apparatu, impetu repente in eas facto, abduxere. Quo caſu conſternata civitate, Dux tumultuaria manu contracta, continuo in eos movit, atque in Caprulanis paludibus hoſtem aſſecutus, in eum ſortitione prædæ occupatum ferociter invectus, modico negotio, ut quidam tradunt, ſuperavit. 912

Tribuno
ſuccedit Ur-
ſus Badoa-
rius.

932
Huic Pe-
trus Can-
dianus.

Raptus Vir-
ginum ab
Hiſtris fa-
ctus.